

革命之首領

蕪陽田桐述

革命之首領

銘

意志者人格之根事
業之本也精力者人格
之綱事業之紀文

玄之居士題



自叙

不文少事帖括未能博覽有用之書長學舞
文復不得其門徑又長受世界思想交通之
賜役身於革命潮流並作弄潮之舟子自時
厥後罔有間斷雖羸弱之軀樂此不疲孰主
宰我孰綱維我孰勤勞我既無道德爲之根
底又無學殖爲之教養窮厥究竟不文自問
不文不能自答也不獨不文爲然也凡久於

革命之道者想莫不然若以品性論凡意志
經久不變者爲人格之上乘不文何人寧不
知恥傳曰莫之爲而爲者天也莫之致而致
者命也其殆是歟嗚呼是有道存焉二次革
命以來再走東海復事弄潮兼攻斯理始知
革命起原及結果爲政治問題革命起原至
結果之間其革命黨徒心理之狀態則爲哲
學問題常不自揣欲著一書名曰革命之哲

理惟以精力時間兩不我與久而未成是冊
專論革命首領乃全書之一章若竟厥初志
以公諸同道則俟諸異日云爾

民國三年冬日田桐述於江戶南城

旅舍

志 意

頂天立地之快男兒無不由意志做起意志者我國諺語所謂志氣骨氣者是也文語所謂氣節操守者是也

革命之首領目次

第一節	首領之發生	一	二頁
第二節	首領之假借	三	四頁
第三節	首領之種類	五	六頁
第四節	首領之資格	七	一三頁
第五節	首領與黨員之信仰心	一四	一六頁
第六節	首領之威嚴	一七	二〇頁
第七節	首領之專制	二一	二二頁
第八節	傳布主義之方法	二三	二九頁
第九節	運用黨徒之方法及特徵	三〇	三二頁
第十節	結 論	三三	三四頁


志 勵

城 晉
濮 文 ①
義 當 ①
師 日 ①
連 亦 ①
告 亡 ①
捷 人 ①

羣 險
陰 阻 ①
伏 艱 ①
地 難 ①
拜 鍛 ①
陽 此 ①
春 身 ①

革命之首領

靳陽田桐述



第一節 首領之發生

革命必由黨而發生。黨必由首領而主宰。譬之風帆之於舵。大兵之於將。得之則行。不得則危且殆。且司舵者之於舟子。將兵者之於兵家。得之則行。不得仍不免於危且殆。蓋黨員心理之現象。階級有異。同。知識有差別。由多數人心理之集合而來。並由多數人心理之活動以進。惟其多數也。則難於一不。一矣。則活動之力。難以圓轉。自如。求其多數而能一致。活動者。是在有爲之主。而默示之者耳。夫此爲之主。而默示之者。在多數人。未曾集合以前。似可不必定屬於何人。

然按之世界革命黨史。則多屬之於特別之一人。或其一人之一系。譬之國家之主權。在學理上屬之國家。而事實上究屬之於國家之具體的代表者。首即元此爲之主而默示之者。溯之既往。即其黨之張本人按之現在及將來。即其黨之首領。首領之由來。大半出於革命主義之首唱者。以其在先知先覺之列。其思想主義早已感化一般強有力之志士。此等志士復發揮其精神感化多人。爲其主義致力。然革命分子有活動之能力。無獨立活動之能力。非聽命於首領。其動作必致乖離。革命首領之意志。即革命分子意見之中堅。革命分子無不複雜之理。在能取其守主義甘服從而已。往往由冷靜者視爲鹵莽之徒。烏合之衆者。得其首領之指揮。勉力進行。毫無滯礙。化鹵莽之徒爲制節之師。化烏合之衆爲強勁之旅。是則革命首領之

妙用也。

第二節 首領之假借

革命黨之首領。與政黨之首領不同。政黨者。求其易於變化者也。革命黨者。求其難於變化者也。政黨之首領。輒有更動之時。或以其更動。而其黨之進行。愈見成功。革命黨則不然。往往有一首領。自其黨之發起。以至於成功。經數十年之久。而不變。更者。其有變更者。非首領之死亡。即黨中分子之分裂。夫一黨而有首領。變更之事。即其黨之至不祥者也。何也。革命黨之首領。與其全黨精神。必根蒂相關。渾成一氣。確切而不可以假借者也。然事實與理論不同。首領假借之事。恒有。不免至其假借之原因。由於其黨中分子。有改革精神。未能強固。習染於舊社會者。過深。不能超出庸俗之見。對於舊有之制度。

人物不免有趨奉之心理。其主張假借之理由則有三焉。

一 開人心歸向之路。即反對黨亦有一視同仁之感。

二 以我之力。合彼之力。其力愈大。而事業易成。

三 被假借之首領。必感恩感戴。言聽計從。彼居其名。我享其實。且

他日亦可由我更換。

夫當一代之大改革。必有強固不撓之精神。以副之主體。其先客體。其後我無排除萬難之決心。則敵機斯伏。因敵之生出。以平和弭敵之策。則敵愈多。而愈強。弭之無可弭矣。求一時一事之便利。用不同性質。不同氣類。祇同目前利害之人。而假借爲首領。其結果必至喧賓奪主。革命黨之根本勢力。因以喪失而滅亡矣。證之世界革命。故實其例。不遑枚舉。取最近之譬如鄂之黎元洪。蜀之尹昌衡。胡景伊。

湘之譚延闓。閩之孫道仁。桂之陸榮廷。無不如是。首領假借之害。合學理事實言之。莫不切當。

第三節 首領之種類

革命之首領。有二種類。其第一種有炎炎赫赫之勢力。無始終鞏固不變之意。志不過偶有發揮。強大意志之時。其第二種有始終鞏固不變之意。志爲一時之暴動。或同盟罷工之張本人。能得第一種之資格已足多矣。至於起歷史上之大運動。求政治上之大改革。不經悠久之歲月。不得揮其手腕。養其勢力。則非得第二種之性格。不可第一種之首領。有狂暴勇敢大膽無敵之精神。一吁一叱之間。能鼓舞羣衆。前冒危險。起懦夫而爲勇者。其勢力之浩大。隨其猛進之氣。而得然不免帶一時之性質。變亂經過之後。其勢力亦因之以消。或

變亂之時。日較長。其精力先喪。遂退避而不能復起。古來血氣之英雄。乘時奮起。及一旦平息。復歸日常之生活。回憶當年血戰之秋。屢生驚悸。而薄弱之性質。自然流露。蓋彼既無志。堅行卓之道。德復未聞。立身處世之大道。拿破侖。勇將。雷將軍。及柏蘭九將軍。一時督帥大軍。聲譽優隆。及一旦勢力失墜。不爲儕輩所樂許。此其例也。第二種之首領。意志堅定。其外觀不如前者之華麗。其氣燄不如前者之發越。其得聲望。不如前者之驟。其得勢力。不如前者之速。惟既得之後。能享有之。且有加而無已有。隆而弗替。蓋既明於事理。胸有成算。復備有强大之意志。抵抗障礙之物。經難不退。經久不疲。此其事業之成。所以有照耀天地之光輝。永遠不息者。十字戰爭之畢達。宗教革命之路德。美國獨立之華盛頓。此其例也。故第二種之首領。史不

多得。第一種之首領。世所恒有。然苟成功。太易。不經迭次之反覆。蹉跌。則第一種與第二種之性格。無以見白於天下。此首領之得人難。首領之受知於人爲尤難。

第四節 首領之資格

革命首領之中。有總攬首領。有局部首領。總攬首領之資格。須具左列五種。

- 一 有涵蓋之度量。
- 二 有遠到之思想。
- 三 有強固之意志。
- 四 有忠實之道德。
- 五 有判斷之毅力。

無○涵○盖○之○度○量○則○容○積○不○多○事○業○之○進○行○時○生○障○礙○然○涵○蓋○云○者○非○必○藏○垢○納○污○不○辨○是○非○可○否○而○包○容○之○謂○也○惟○充○其○主○義○精○神○之○分○際○不○事○斤○斤○察○察○者○之○爲○也○無○遠○到○之○思○想○而○可○以○與○於○大○業○者○是○必○守○成○之○人○物○革○命○總○攬○首○領○乃○開○創○之○人○物○制○定○規○模○俾○他○人○有○所○遵○守○斟○酌○利○弊○使○後○世○長○享○治○安○當○開○國○成○家○之○際○凡○一○因○一○革○莫○非○由○其○聽○明○材○力○之○鍛○鍊○而○成○開○近○世○紀○之○新○紀○元○者○遠○到○之○思○想○也○開○一○國○之○新○紀○元○者○亦○莫○非○遠○到○之○思○想○無○強○固○之○意○志○則○大○業○不○終○自○古○締○造○艱○難○者○莫○不○一○本○於○誠○孔○子○曰○吾○道○一○以○貫○之○革○命○之○道○其○猶○是○乎○未○有○見○異○思○遷○見○難○思○退○者○可○以○與○聞○改○造○國○家○之○事○者○當○一○代○之○發○明○家○制○作○家○學○術○家○未○有○意○志○不○能○堅○定○而○能○成○功○者○也○況○其○大○焉○者○乎○無○忠○實○之○道○德○則○本○體○之○主○宰○既○弱○客○觀○

之信。用必不足。其能力之所以發。揮與精神之所感化者。亦必有限。忠實道德者。才能之根本。信之所自歸來者也。信之所自歸來。才能之大。孰與爲配。古今中外。成功之原因不一。而其總因。則不外於信。古今中外。失敗之原因亦不一。而其總因。則不外於疑。無判斷之毅力。則事機易失。誤千載於一時者。判斷力不足爲之也。判斷毅力出於遠到思想。然有遠到思想者。不必盡有判斷毅力。成功失敗之起原。及結果。在乎前者。四端成功。失敗之緊要關鍵。則在乎判斷毅力。之何如。合上五端。乃革命摠攬首領必需之資格。具此則成。缺一則否。然主宰一切者。摠攬首領也。實行一切者。局部首領也。局部首領之資格。需有左列三種。此三種資格始則由局部首領自身之發動結局則關於摠攬首領之用人

一有狂熱之性質。

二有強固之意志。

三有奉行命令之真心。

局部首領。立於切近實行之地位。不必思想遠到。智慮周密。具先見之明。與其有思想遠到。智慮周密。具先見之明者。時陷於懷疑之態。致生行動不活潑之病。反缺其首領之資格。不如無之爲愈。何也。此等首領。以有憤慨激熱。恒似癡狂之病者。爲適合。無論其進行之主。張涉於妄想。其要求之目的。不甚合理。惟其主體有確信心。有頑強。力值艱難困苦。而不辭當勇往邁進。無所憚者。乃其尙焉者也。蓋彼自受革命思想。革命主義。陶鎔之後。一身之利害。家族之安危。以及人生所有快樂權利。皆可以供其主義之犧牲。有輕性命如鴻毛。重主義如泰山。雖死無悔之概。具此強烈之信念。故其行動語默。足以

生○一○般○羣○衆○心○理○之○感○激○以○取○得○其○首○領○之○資○格○浸○假○而○其○資○格○愈
高○其○狂○熱○之○所○到○先○征○服○多○數○人○之○心○次○征○服○多○數○人○之○力○無○論○年
少○富○有○血○性○者○被○其○感○化○投○入○革○命○旋○渦○之○中○受○其○激○昂○感○情○支○配
之○下○卽○平○生○具○有○冷○靜○之○判○斷○力○自○命○不○爲○客○感○所○牽○之○人○物○亦○爲
其○熱○潮○所○播○遷○變○其○主○張○而○不○自○覺○夫○如○是○則○有○統○率○羣○衆○如○使○手
足○之○易○之○力○而○事○業○易○告○成○功○矣○此○狂○熱○性○質○所○以○必○需○者○一○也○具
有○狂○熱○性○質○之○人○其○思○慮○之○力○必○不○足○思○慮○之○力○不○足○其○缺○點○必○多
欲○補○此○缺○是○爲○強○固○之○意○志○意○志○強○固○則○大○節○已○立○大○節○立○小○節○之
差○無○傷○也○詳上第一節及第三節且○狂○熱○之○性○質○無○強○固○之○意○志○以○實○之○則○不○足
以○證○明○其○真○僞○及○久○暫○往○往○有○狡○黠○者○流○當○革○命○思○潮○激○烈○之○際○逢
迎○多○數○人○之○心○理○而○媚○之○僞○爲○狂○熱○之○態○度○從○中○鼓○舞○之○奮○興○之○指

導之遂得多數人之歡心。博得首領之資格。而其本心與革命究無生。死關係。此則僞而不真者也。又有狂暴之徒。當興高彩烈之際。狂熱發激。勵羣衆登革命之舞臺。博得首領之資格。及事過境遷。無繼續進行之力。此其程度相差。或有數月。數年之不同。要皆不離一時之性質。無強固意志者。此則暫而不久者也。參看上文考之外國革命史。此等現象。不可殫述。證之中國革命現象。真僞久暫。亦自彰明。大凡事業之難者。其經過時期必久。經過時期既久。變化斯多。變化之多。受客體之影響者少。受本體即意志之影響者多。對於簡易事業。求其心理傾向。贊同者易。施政策對於長久繁複事業。求其意志。繼續保持者難。施政策意志者。人類中無上之寶。不可以求而得之者。置之革命事業中。則其尤此強固意志。所以必需者。二也有狂熱之

性。質。者。既。無。周。密。之。思。慮。有。強。固。之。意。志。者。亦。不。常。有。切。當。之。方。略。
且。一。局。部。首。領。與。多。數。局。部。首。領。有。共。同。關。係。非。步。伐。整。齊。難。收。成。
效。向。使。局。部。首。領。各。自。主。張。一。局。部。首。領。之。步。伐。亂。多。數。局。部。首。領。
之。步。伐。亦。隨。之。亂。無。論。大。業。不。成。即。成。矣。終。亦。歸。於。必。敗。當。革。命。勃。
興。之。際。不。免。有。此。缺。點。欲。求。補。救。此。缺。是。在。局。部。首。領。有。奉。行。總。攬。
首。領。命。令。之。真。心。革。命。黨。者。先。天。的。國。家。也。國。家。者。後。天。的。革。命。黨。
也。在。個。人。之。主。張。革。命。時。代。任。其。意。思。之。自。由。一。至。由。個。人。集。合。而。
爲。黨。則。個。人。之。行。動。有。共。同。利。害。關。係。及。共。同。死。生。關。係。譬。之。共。和。
國。家。其。人。民。之。個。人。有。絕。對。自。由。之。權。利。至。於。人。民。與。國。家。相。接。觸。
之。行。動。法。網。叢。生。以。其。有。共。同。關。係。故。耳。革。命。黨。之。命。令。權。委。之。於。
總。攬。首。領。而。復。聽。命。焉。猶。之。共。和。國。家。政。治。命。令。機。關。委。之。於。具。體。

的。代。表。而。復。聽。命。焉。其。謀。統。一。之。道。一。也。大。抵。有。完。全。智。識。者。知。奉。行。命。令。之。所。以。然。之。必。要。謂。之。服。從。有。知。識。絕。對。不。完。全。者。知。奉。行。命。令。之。當。然。之。必。要。謂。之。盲。從。服。從。與。盲。從。在。主。觀。者。雖。有。程。度。之。差。而。其。收。效。則。一。惟。一。知。半。解。之。徒。多。自。作。聰。明。強。不。知。以。爲。知。強。不。能。以。爲。能。時。欲。奉。行。命。令。而。不。甘。欲。不。奉。行。命。令。而。不。得。謂。之。無。奉。行。命。令。之。真。心。當。革。命。進。行。時。代。此。等。分。子。最。爲。危。險。不。可。不。察。此。奉。行。命。令。之。真。心。所。以。必。需。者。二。也。以。上。三。端。爲。局。部。首。領。之。資。格。不。可。缺。者。

第五節 首領與黨員之信仰心

革。命。事。業。乃。主。義。的。政。權。爭。奪。事。業。也。惟。其。爭。奪。政。權。不。免。有。權。利。心。惟。其。有。主。義。則。必。有。信。仰。心。革。命。團。體。人。數。衆。多。其。中。雖。有。道。德。

智○識○之○程○度○相○差○容○有○本○於○信○仰○心○絕○無○權○利○心○者○亦○有○本○於○權○利○心○絕○無○信○仰○心○者○然○權○利○心○與○信○仰○心○兼○而○有○之○者○則○居○十○之○八○以○上○權○利○心○與○信○仰○心○衡○而○較○之○權○利○心○當○居○十○之○四○信○仰○心○當○居○十○之○六○不○然○則○不○能○結○合○爲○黨○又○焉○能○達○其○革○命○之○目○的○何○也○權○利○之○結○果○祇○足○以○營○養○其○身○體○榮○飾○其○外○觀○信○仰○之○結○果○更○足○以○安○樂○其○良○心○恬○適○其○精○神○身○體○之○營○養○及○外○觀○之○榮○飾○有○經○久○而○生○厭○倦○心○者○良○心○之○安○樂○及○精○神○之○恬○適○鮮○有○經○久○而○生○厭○倦○心○者○蓋○革○命○思○想○富○裕○之○民○族○必○爲○開○化○之○民○族○開○化○之○民○族○精○神○較○肉○體○爲○重○故○革○命○黨○員○可○以○統○稱○之○曰○有○信○仰○心○信○仰○心○有○二○種○

一 信仰主義心。

二 信仰首領心。

此首領專指總攬首領

有因信仰主義心而生信仰首領心者。有因信仰首領心而生信仰主義心者。綜合一般黨員而計之。信仰主義心。不如信仰首領心之確。信仰主義心。不如信仰首領心之篤。有知主義之當然而不知其所以然者。一唯首領之動作意志而信仰之。蓋主義有意而無形。首領有形而兼有意。以其信仰主義者。信仰首領。不啻以首領爲精神所寄託之正鵠。故考之羣衆心理及事實。信仰首領心較之信仰主義心。其效果爲大。信仰心發生則革命黨成立。信仰心動搖則革命黨內亂。信仰心倦怠則革命事業滯。信仰心進步則革命事業進行。信仰心強烈則革命事業將告成功。信仰心之勢力潛之於無形。及一旦得事機而發揮之。直可以征服有形之物。質席卷天下。包舉六合。放歷史上之奇彩者。皆信仰心之勢力爲之也。是以喚起社會。

心○理○之○信○仰○心○乃○革○命○首○領○必○要○之○條○件○即○以○犯○罪○階○級○都○市○之○
無○賴○團○得○首○領○之○指○揮○出○而○嚇○詐○山○澤○之○土○匪○團○得○首○領○之○指○揮○出○
者○劫○掠○明○明○犯○罪○行○爲○也○何○以○如○命○而○往○蓋○亦○有○動○於○信○仰○心○而○不○
能○自○遏○者○也○法○國○革○命○勃○發○之○張○本○人○羅○伯○斯○比○信○仰○盧○梭○共○和○之○
說○如○醉○如○狂○爲○之○傳○播○無○所○不○至○革○命○人○士○因○以○信○仰○羅○伯○斯○比○者○
一○如○信○仰○盧○梭○卒○至○麇○集○羣○衆○而○革○命○以○起○可○知○信○仰○心○之○勢○力○所○
向○無○敵○而○信○仰○心○之○喚○起○則○責○在○首○領○

第六節

首領之威嚴

此首領亦專指總攬首領

首○領○之○威○嚴○爲○博○取○黨○員○信○仰○心○莫○大○之○助○力○首○領○之○威○嚴○不○具○則○
其○黨○之○信○用○墜○秩○序○亂○方○略○不○行○威○嚴○者○何○簡○單○統○括○言○之○其○喜○怒○
語○默○含○有○一○種○勢○力○此○種○勢○力○足○爲○威○壓○他○人○之○要○素○是○之○謂○威○嚴○

以社會學言之。在社會多數人思想感情之上。有一種強制力。或威壓力者。名之曰社會的威權。社會的威權。非必存之於一人。或一種思想。有社會的威權。或一種階級。有社會的威權。或多數人物。有社會的威權。人寓其中。物亦寓其中。團體亦寓其中。至於革命首領之威嚴。則屬之於個人。爲團體之主。立萬衆之上。具有威嚴。與具有社會的威權者。同一勢力。恒有演說之際。同一種之言語。有出之以瑣屑。纖小之態。則旁聽者。生厭。違問。其有敬心有出之。以堂皇端莊之度。言雖未竟。早生他人戒慎之心。此言語之有威嚴者。又有同一人物。時遇之於交際場中。無所奇異。及遇之於服軍服。率大軍之時。遇之於服法服。立法庭之時。遇之於服僧服。登教壇之時。與平時相遇時之觀感。頓異。此地位及衣冠之有威嚴者也。威嚴之種類甚多。

由一人之身。可以截然分之者。厥有二種。

一 先天的威嚴

二 後天的威嚴

此二種之威嚴。一無所有。則不可以蒞萬人之上。馭多數之衆。先天的威嚴者。何生而有之。一種威嚴也。不必有襲蔭之爵位。不必仗門閥之權力。有自然能存立之條件。古來大英雄。大豪傑。大天才。大抵皆有與生俱來之威嚴。拿破侖當受爲將之始。所部之軍。駐屯於意大利。由法赴意之日。諸將相約爲敵。及拿破侖到後。與之相見。一言未發。一令未下。而諸將之敵意已消。其中有著名之悍將阿鳩。若受拿破侖之命。沈默而退曰。么小新將軍。吾不知其有何魔力。使他人恐怖若是。此不獨拿破侖爲然也。我國史上。如項籍。李廣。李世

民岳飛無不如是。然體格容貌態度。固足以助英雄豪傑之威嚴。而威嚴之發生。不僅在此。更有發生於天才者。較之發生於儀表者。尤爲令人懾服。子產生於彈丸之鄭。受大國之辱。無微不至。及出使各國。各國皆敬而禮之。天才爲之也。晏子生於久衰之齊。內政不修。國威日替。及一旦執政。各國皆畏而親之。天才爲之也。滕王閣集會之際。王勃以韶齷之年。侍立長老之側。人皆以爲孺子可玩。及賦序至。落霞與孤鶩齊飛。秋水共長天一色。衆皆肅然起敬。亦天才爲之也。孫武子既無父兄之教訓。復無軍旅之經驗。竟能運籌帷幄之中。決勝千里之外。天才爲之也。孔明以一介書生。相小弱之蜀。迭伐中原。魏人畏之如虎。既死之後。猶能使敵人疑懼。逡巡不敢進。所謂死孔明能走生仲達者。天才爲之也。天才之有加於威嚴。蓋亦大哉。

後天的威嚴者何。精神智識年齡閱歷地位聲望皆其要者。前述之軍服法服僧服外觀之類。不無補助之力。然特別重要者。則爲學殖及經驗。孔丘孟軻。以布衣而傾倒諸侯者。學殖威嚴之力也。廉頗李牧以老邁而戰勝大軍者。經驗威嚴之力也。

先天後天之威嚴。爲發揮首領勢力一種之大助力。萬不可缺之條件也。其他更有一種之威嚴。在乎曾經有成功之事實。法國大心理學家駱本有言曰。成敗不足以定人物之高下。當指揮羣衆之首領。其過去有經若干次之成敗者。則更加一種之特別威嚴。蓋達言也。

第七節

首領之宰制力

此節亦多指總攬首領

革命首領。必求其有宰制權力。宰制權力者。以多數人之聰明材力。聽命於一人而順從之之必要條件也。首領之於分子猶腦筋之於

四。肢。四。肢。自。動。不。聽。命。於。腦。筋。則。舉。動。錯。亂。分。子。行。動。不。聽。命。於。首。領。則。本。末。顛。倒。蓋。機。關。活。動。之。力。全。在。主。腦。故。耳。以。社。會。學。心。理。學。之。言。之。凡。單。獨。個。人。無。論。何。人。自。移。其。獨。立。生。活。之。狀。態。投。入。革。命。旋。渦。之。中。自。然。服。從。其。首。領。支。配。之。下。且。此。等。人。士。性。質。剛。而。躁。有。與。意。見。不。合。信。仰。不。同。之。人。或。其。事。件。則。立。時。反。對。加。以。暴。虐。求。其。忍。耐。片。刻。萬。不。可。得。而。對。於。信。仰。中。堅。之。首。領。無。不。順。從。無。不。屈。服。譬。之。同。盟。罷。工。之。際。多。數。勞。働。者。聽。首。領。之。指。揮。勞。働。之。時。閒。及。工。值。由。其。首。領。之。斷。定。即。罷。工。之。繼。續。或。遷。就。調。停。亦。莫。不。視。其。首。領。之。一。言。以。爲。決。質。而。言。之。黨。徒。之。一。進。一。退。悉。主。宰。於。首。領。方。寸。之。中。近。代。社。會。組。織。經。數。次。之。大。變。動。大。有。民。主。的。傾。向。社。會。上。之。鼓。吹。家。羣。衆。之。指。導。者。足。代。有。官。憲。之。權。力。官。憲。之。權。力。愈。弱。彼。等。之。權。

力。愈。伸。舉。凡。政。治。問。題。自。治。問。題。婦。人。政。權。問。題。鐵。路。鑛。山。工。場。之。罷。工。問。題。歐。美。各。國。動。轍。實。現。即。思。想。界。平。靜。之。日。本。近。年。以。來。市。民。干。涉。內。閣。憤。而。用。武。亦。已。數。見。不。鮮。究。之。多。數。民。衆。非。由。自。動。有。所。授。而。爲。之。者。也。今。日。世。界。政。治。上。之。專。制。告。終。而。社。會。上。之。活。動。方。興。未。艾。蓋。民。衆。心。理。樂。而。不。苦。故。耳。至。於。革。命。團。體。殆。有。甚。焉。首。領。宰。制。之。力。有。挽。回。命。運。之。勢。力。往。往。有。不。可。實。行。之。事。被。首。領。之。指。揮。盲。目。勇。往。而。前。未。幾。事。機。亦。轉。漸。至。可。以。成。功。之。趨。勢。宰。制。權。力。顧。不。大。哉。駱。本。有。言。曰。群。衆。於。其。首。領。無。不。有。信。賴。心。及。服。從。心。信。然。

第八節

傳布主義之方法

比節方法無論總攬首領局部首領皆用之

傳布主義。即足以吸收黨徒。擴充勢力。爲首領者應視爲無上之責。

任。必。要。之。心。得。如。其。方。法。而。用。之。者。其。方。法。惟。何。不。外。基。乎。社。會。心。理。之。根。本。默。化。潛。移。而。最。便。利。之。方。法。也。其。主。要。之。點。則。有。左。列。五。種。

一、斷言。

二、反復。

三、啓發感情。

四、採用新形式。

五、利用模倣性。

試先言斷言。大凡與革命心理聯屬之人。多不屬之於推理者。而屬之於感情者。默激之以感情。如響斯應。不待熟慮之後。而即見諸實。倘行進言者。取分析道理之法。詮議而詳盡之。反乏效力。其最有效。

力者。出以簡單明瞭斷定之形式。試取同一問題。甲以宣告敘述的態度處之。則聽者秩底井然。其效果良而且速。乙以研究討論之態度處之。則必流於紛擾。不但本問題不能收束。而且瓜蔓叢生。兩相比較。得失自知。當革命時代。其首領多仿約法三章之例。以簡單之立法。而蒞人民。人民無不悅服。可知簡單明瞭之斷言。其力至大。本此原則。政治家揭載其主義。或政綱。商業家擴充其商品消路之廣告。效力殊大。且軍隊之號令。演說家之主張。亦莫不如是。即推廣言之。凡屬文章之詞調。言論之句法。莫不以一刀兩斷。簡潔斷定之語爲有力。且受多數之歡迎。再由心理學上進而言之。傳布主義者。以自己之結論。自己之主義。確信之。確守之。以示之於多數人。而多數人之熱情。同化於其片言折獄之下。而社會心理之特徵。亦如是表。

現焉。此斷言之法所以有力也。

試言反復。前項所言簡單明瞭之斷言方法。行之第二次以至於若干次。反復之而不厭。多一層之反復。多一層之效果。修辭學上名之曰層進法。亦名之曰反復法。蓋同一之原則。傳布主義者。迭次利用之。之謂也。心理學上之記憶。或連想。亦與此同。譬之天干地支。盡人之所稔識者。倘取其中之一二字。唐突而問曰。癸酉之次年爲何。則無論何人亦難言之矣。若由其最初之甲乙丙子丑寅。或稍近之庚辛壬午未申之順序。以喚起其記憶力。則僉應之曰甲戌。蓋壬申以上之諸字。爲喚起癸甲酉戌之有力之要素也。洵如此也。非反復之法。乃聯絡之法。蓋起念於其前。連想於其後故耳。然同此心理之原則。以反復之法。運用之。而其效特著。設記憶特別事物。無論多寡。一

度有一度之變更。反復爲思索之必要。所謂記憶以次數而強者是也。不獨社會心理然也。即以個人論。有一事物。初有不贊成之意。迨轉換方面。反復教之。遂漸生興會。逐漸起同情。近世進步之廣告術。亦利用此種心理。究其結果。亦博得人人皆知之成績。更有社會風行之物。必有一二執拗之士。排斥而拒絕之。及至風行既久。則又捐一己之意見。以從同革命主義傳布之人。能會此意。以強力斷定之意。志雖經幾許。次數亦反復開導之。則其初絕對不同意見者。而其終亦漸同意見矣。蓋欲多數人之意見合乎我之主義。不憚反復求之。浸假形造一切無意識之觀念。浸假構成人間行爲之動機。所謂積石填海。積羽沈舟。此反復之所以必要也。

試言啓發感情。啓發感情之方法。非改變前項斷言反復二者之說。

乃反復啓發多數之心理。使必入於激昂之程度。以適合本來之性質之方法也。啓發感情之法。爲傳布主義者最有力之方法。自不待言。其爲革命首領之慣用手段。亦不待言。而其態度則多反復誇張。且誇張而不覺其誇張。則其力尤大也。

試言採用新形式。法國學者脫克威有言曰。法國革命後之總督政治。及帝政事業。與其必須創立新制度。不如以最新名稱裝飾舊制度之大部。推一般社會之想像力。取其不快之名稱。而悉易以新奇之名稱。是爲得也。法國大批評家特洛亦有言曰。革命時代之過激派。如賈可賓黨員。行非常專制。非常苛刻之事。而世人不以爲怪者。何也。爲其最風行自由平等之名詞。所掩蔽耳。大凡革命時代一般人士。難忍舊來之名目。關於政治上社會上有舊事實。可代以新名。

稱者爲多數人之歡聽。非獨簡單觀念及言語爲然也。凡思想感情對於過久之事。視若尋常。倘綴之以新形式。而人之心理亦爲之一新。恒有政治上改革。整理將同一事物一易形式。而天下之人心賴以維持。蓋此點在政治上之要訣。爲維持人心於不倦而已。然求其形式變實質。亦因之而變者少。形式變而實質不變者多。入鄉從鄉。聖人恒與世推移。然曲其主義以從人。則未之有。取不關輕重之名目。既可以得一般之喜悅。復可以得事業易成之趨勢。此英雄慣用之手段。而傳布主義者亦不可不知。

試言模倣性。默示與模倣。爲社會學及群衆心理上之一大要諦也。傳布主義者。本乎前四項之原則。利用衆人之模倣性。而傳染之。有其始也。爲無意識的模倣。經瞬息之間。思想變化。感情變化。意識

變○化○再○經○瞬○息○之○時○間○即○與○傳○布○革○命○主○義○者○同○一○思○想○同○一○感○情○
同○一○意○識○是○則○利○用○模○倣○性○之○必○要○爲○操○縱○社○會○重○大○條○件○也○譬○之○
近○世○藥○商○竭○力○鼓○吹○其○藥○之○效○能○派○其○黨○羽○巧○弄○名○義○得○四○方○名○人○
之○有○效○證○明○書○及○感○謝○狀○而○購○之○者○斯○衆○又○如○製○造○裝○飾○品○之○商○賈○
恒○以○新○製○之○物○未○經○發○賣○而○先○貢○獻○於○聲○譽○最○高○之○名○優○名○妓○而○其○
物○因○以○風○行○又○有○社○會○之○煽○動○家○當○演○說○之○際○置○多○數○心○腹○於○其○間○
相○其○聲○音○節○奏○鼓○拿○喝○采○高○唱○贊○成○以○最○少○數○人○之○狂○熱○得○流○行○滿○
座○此○皆○模○倣○性○使○然○也○

第九節 運用黨徒之方法及特徵

此節合局部首領
總攬首領言之

革命首領之資格不同種類不同程度亦自不同其運用黨徒之方法當亦能不盡同然其必同之點則有二。

一作氣。

二同氣。

作氣者何。爲革命首領者。以其自信之主張。感化民衆。使其奮發。至其自信之處。不必問其合理與否。惟問其有強烈之熱情。副之與否。質而言之。非理也。氣也。中國之論文者。常曰。氣盛言宜。又曰。氣充辭沛。移之革命。誰曰不然。尉繚子戰意篇有曰。夫將之所戰。民也。民之所以戰。氣也。氣實則戰。氣奪則走。此最古之戰略也。移之於最新之革命心理。亦無不當。革命之道。不能借民衆之力。祇能借民衆之氣。以一己之狂熱。率民衆之氣。即所以用民衆之力也。國際戰爭有氣之作用。兼有力之作用。革命戰爭有氣之作用。無力之作用。縱有之。亦微矣。

同氣者何。即作氣之中。求其貫徹同一而已。三略有曰。主將之法。務攬英雄之心。賞錄有功。通衆志。故與衆同好。無不成。與衆同惡。無不傾。傳曰。同聲相應。同氣相求。首領對於黨徒。有同氣之觀念。則無命令之不當。黨徒對於首領。有同氣之觀念。則無命令之不從。命令有效。即赴湯蹈火。無不可爲。況殺敵致果乎。且主從上下。既能同氣。則其首領。無論出以何種專斷態度。而黨徒亦樂受其指揮。宰制力大。則成功自速。洵如此。故凡爲革命首領者。必現三特徵。

第一首領之自身。必有鞏固之自信力。

包意志信
仰說

第二以自己之狂。熱喚起他人之信念。

第三以宰制態度統率黨徒。

以上三者。已借他節發明不容重述。惟學者之中。有主張第四之條

件。即運用迷信幻術起他人一種豫言的傾向者是也。歷史所載革命運動之首領。此種人物居多。我國尤夥。凡城狐社鼠篝火魚書雲氣童謠之類。代代皆然。至於現今世界。人文發達。思想交通。此種方畧。在在難行。而亦可以間用之於山林之民。及有怪誕心理之團體。惟用此種手段之人物。多半陽爲狂熱之態。以煽動民衆。而其效力。則無不同。蓋社會騷擾時代。一般心理之特徵。爲癡狂的錯亂的。故耳。故此術不能謂之無效。然不得認爲強有力之特徵。與以上三者並行。

第十節 結論

世界國情不同。宗教不同。國民歷史及道德根限不同。往往有適用於專制國者。不可以移之於立憲國。更不可以移之於共和國。有可

以適用之於耶蘇國。不可移之於回回教國。更不可以移之於佛教國。尤不可以移之於半佛教半儒教之國。有可以適用於拘束的歷史之國民。及保守的道德之國民。不可以移之於發展的歷史之國民。及進步的道德之國民。以上各節所論。乃統合一般而言。未分國情若何。宗教若何。國民之歷史及道德之根源若何。倘有適合於最近心理之方略。則俟異日之研究。並望於有革命首領資格者。

立志

花冠爭戴偉人頭
鐵石精神博自由
雲翼他年數我背
昂頭天外小全球

民國三年十二月廿三日印刷
民國三年十二月廿七日發行

價洋一角

著 者 田 桐

發 行 者 東 辟

發 行 所 民 國 社

印 刷 人 島 連 太 郎
東京市神田區美土代町二丁目一番地

印 刷 所 三 秀 舍
東京市神田區美土代町二丁目一番地

發 賣 所 民 國 雜 誌 發 賣 各 處

